




Kat. Komp.
59580



Mag. St. Dr.

Fol. 5084.

Triumphale virtutes et sapientiae
capitolium.



TRIUMPHALE
VIRTUTIS & SAPIENTIÆ

CAPITOLIUM

In CAPITALE

Consumptis Centum Sexaginta ab obitu annis
integro

SERAPHICI & ECCLESIAE DOCTORIS,

DIVINISSIMI

BONAVENTURÆ

S. R. E.



CARDINALIS

Et

EPISCOPI ALBANENSIS
ERECTUM;

Recurrente verò annua Eiusdem luce
Publica ex Cathedra in Basilica Petricoviensi

AA. RR. PP. Ordinis Minorum de Observantia
ab Uno è Minima Societate JESU
Oratorio cultu

ADORATUM

Annò, quo

Ipsè Caput nostrè Ghristus fUndaVerat orbeM

Id.

1723.

*Reverendo in Christo Patri Joanni Chiojetti Societatis
Census Annalis Sacerdotis emeritis*

RELIGIOSISSIMO
ADMODUM REVERENDO

in Christo Patri

SERAPHINO
GAMALSKI

Ordinis Minorum S. Francisci de Ob-
servantia per Majorem Poloniam

PROVINCIALI EMERITISSIMO

Sacrae Theologiae Lectori Jubilato.

Ejusdemq; Ordinis Praedicatori Generali

Nec non

Universo Ordini sacerrimo,

in perennem animorum Societatem

Intimò votò, & Studiò subscribit

Et

CONSECRAT

59580
III

Minimus e Societate Orator

I. K. S. I.

ELEGIA DEDICATORIA.

I, Licet exilis securo pagina vultu
 Felix, meta tua quod manet ista via?
 Ibis, quâ Præses, toto celebrandus ab orbe,
 Ordinis ille sui fræna sacrata gerit;
 Grandeq; partitur vario sub climate Numen
 Et fama, & meritis clarus ubiq; micans.
 Agnosces vultus, pietas quos ipsa notavit,
 Sedit & excelsa vertice cana fides.
 Magnos obtutus postquam devenieris ante,
 Istos, vel similes redde ministra sonos:
 Non alio, nisi magne Tuo sub Nomine Præses
 DOCTORIS Divi laus celebranda venit.
 Qui typus illius es; morum nec degener hæres;
 Dicitur & titulo proximior tuus:
 Integer ille tuus, totus descriptus & in te,
 Nec nisi Te lecto, se finit ille legi
 Non habitus, pietasq; Viros discriminat ambos,
 Est vestî probitas concolor ipsa suæ
 Virtutem simul ac animam spiratis in unam
 Junctus uterq; sibi, junctus uterq; D E O.
 Illius quidcunq; nitet splendoris, & artis,
 Quidquid & ingenii; cernitur esse tuum.
 Est tenor ille animi, cordis vigor atq; beati,
 Sunt celsæ, vena divite, mentis opes.
 Dum celebrabaris Cathedrâ sublimior omni?
 Ipse Tuo DOCTOR creditus ore loqui.
 Sacra, locuturis dederas quæ dogmata pennis,
 Audiri medio Tybride digna manent.
 Inde suum nomen Polnania posset habere
 A Te quod rectum noverat atq; pium!
 Nec cunctos numerare vacat, quibus arduus ibas
 Sacrati cætus, munia clara, gradus.
 Sit satis, exiguum nil in Te viderat orbis
 Parent arbitrus omnia summa iuis.
 Est sacer ullus honor quem non Tu gesseris: Annos
 Per fasces tantum cui numerare datum.
 Jam per Russiacum ibas Commissarius orbem,
 Et verbis, & factis adificare potens:
 Post Tibi Majoris Lechiæ commissa Potestas
 Angelus ut Custos hic SEKAPHINE fores.

Collegij Cracoviensis Soc. A. P. G.
 S. Petri & Pauli Apostolorum

At, quod Te Latium nuper cognovit ab ore:
 Te sibi signavit, premia plura parans,
 Ut vel sacrata præsīs generaliter Vrbi,
 Inter vel Latios adnumerère Patres.
 Fiet! nec rigida properabunt stamina Parca,
 Jupiter & sceptris annuet ipse suis.
 Hoc merita exposcunt; multorum vota precantur.
 Postulat atq; tuæ Religionis honor.
 Hoc ex corde vovet Sociatum Nomen JESV,
 Coniunctum studio proximiorē Tibi;
 I, quocunq; Deo sic disponente vocaris
 Affectus comites, hac licet ire Tui;
 Lojolo fervore Viri quicunq; calemus,
 Jungimus ad flammās hunc SERAPHINE tuas.
 Si non perfecti fulgemus amoris in auro,
 Affectus veros ignibus hisce proba.
 Ne dubites: uno sociamur Nomine JESV,
 Hac BERNARDINO signa ferente prius!
 Hinc eadem Domini sequimur vexilla supremi,
 Vnaq; militibus tessera utrisq; manet.
 Fortior & reddet vis hac unita Sodales,
 Non adversa prement, quos Sociavit amor!
 Accipe de tenero sacrata volumina cultu,
 Cor, non exiguas respice quæsonotas.
 Hic typus affectus &, nullo delebilis ævo
 Coniunctos animos litera quæq; docet.
 Perlege cum charta candorem: scilicet omni
 Te sibi sub titulo pagina nostra notat.



ORATIO.



BUmbri, in lucem, è silentibus, ad
rostra, ad immortalem famam ex se-
pulchrali cinere Caput Tuum pro-
ferimus Doctorum Divinissime BO-
NAVENTURA: illud Caput, quod
omni humanò sublimius, mortalita-
tis metas prætergressum, cælo se medium superisq; per-
miscuit, nec tam gloriosi, corporis quàm animi integritate
conspicuum; astris dominatur, ut pote sapientissimum;
cui quidquid in Academo laurearum, in sole Theo-
logico radiorum, pretiosarum alibi mentis opum, ro-
tum id plenè ad meritum Titulis illabitur; & cui, ex-
tra triumphatoris olim Asiæ Æmilii, vectigalem for-
tunam ferta & Coronæ omnes debentur: Illud (in-
quam) Caput, quod unum dixisse pro cunctis satis est,
& sanè Caput Doctorum, quoq; omnes implentur ti-
tuli, Eminentissimis majò sublimarū cogitationū semi-
narium, Sanctorum scientiæ monumentum immorta-
le, spectamus, ut busta inter spirat nativo virtutis vi-
gori immortuum, & fidem facit, sanam fuisse, nec ullo
corruptam errore, DOCTORIS SERAPHICI, do-
ctrinam: cùmq; alii nec pilum boni viri in vita retine-
ant, ille post fata etiam tot reservavit, quot frontis

suæ radios. Eequid enim in verticem illum prævaluisse mortis fulminá, qui totus laureatus erat, ut pote Doctoralis? Quid Cymmeriis involveretur tenebris, qui vix fati extinctus, mox radiis Beatorum circummicabat splendidissime? Exinde orthodoxa Religio in vigore stetit, & dissiparetur? Caput hoc quidquid excogitavit, æternæ veritatis erat, quidquid reliquit, immortale: nec aliter cælestes intelligentiæ perennarent, si corruptibile aliquod admitterent.

Favisti **CARDINALIS EMINENTISSIME**; postquam, cum omnia Tui superis consecrasti, grande illud divinæ Sapientiæ domicilium Caput Tuum oratorum veluti resignasti encomiis, & reservasti; ut scilicet, cum Te totum laudibus attollere nequeant; meliorem Tui partem sibi vendicent: nec arrogantia est ad verticem usq; sacerrimum eluctari, cum vix humilis suada, ad plantas locum mereatur: in summo etenim Doctor, à Capite statim laudandus, ut quod præcipuum est, prima fronte attingatur. Ergo Sanctioris hodie Tullii Caput, extra crudeles Antonii animos, pro rostris exponimus, vel ex eo dictionis sumpturi Argumentum. Nec jam superstitiosum aliquod, summoq; Jovi sacrum, verum ut meliori fundamentò corrigamus Antiquitatem: Triumphale virtutis & Sapientiæ Capitolium in Capite Doctoris Seraphici fundatum esse adoramus. Annuite plurima meritis, & eruditione Capita; idem totum de Ordine Seraphico, quidquid de Seraphino Doctore prædicabitur, ex eodemq; Capite & vestram, & **BONAVENTURÆ** magnitudinem colligemus.

Stamus ad fastuosæ vetustatis rudera, & orbis caput Romam extra Romam, Capitolium, extra Capitolium inquirimus. Non est quod præposteræ invideamus antiquitati, cecidit, cecidit magnificentia, illa, & tam magna jacuit, quanta se mole in altum protule.

rulerat? Tor victrices herbas computavit, & tandem
in flore suo emarcuit! Imperabat orbi, ut succumbe-
ret! & quæ opima jactabat spolia, fatis cessit. Vidi-
mus erectum hominis in capite, majestate sua Cælo
usq; minari Capitolium, ut profundiori ruinâ postea
adoraret Erebum: cumq; capite pompam demitte-
ret, & luxum. Mortalibus dijs, superstitioniq; lita-
batur, & ideò nihil immortalitate dignum mansit; nul-
lusq; in urbem triumphus intraverat, nisi prius Iovi
Capitolino herbæ victrices ab omnibus porrigerentur,
ne victoria quidem esset, nisi inferorum. Hinc Toga-
torum Patrum grandis circumstabat Senatus, inde ex-
peditiones in sago ad bella Heroës, omnes animò &
viri būs defecere, nihilq; sunt, præterquam pulcherri-
ma Ditis pompa. At verò si nobilioris formæ: molem
in BONA VENTURA conspicimus! prò quantum
Cælo vicina se Majestas admovet! quanto circum-
quaq; virtutum irradiat apparatu! vix primus in terris
Hospes Balneoregii comparuit Divinus Infans, & jam
magnitudine sua orbem implevit, & sydera; vagiit, &
in universum vocalis echo personabat: cunis inter-
clusus, excelsa mente cælos penetravit, fecitq; pa-
lam se humile nihil moliri à cunabulis. Simul primam
vitæ, simul admirabilis Architectonicæ plantam in or-
be posuit; potuitq; vel primo hominis ex vestigio fu-
tura Majestas colligi. Scimus, Cyrum olim fortissimum
Persarum Regem in primo infantilis ætatis flore, instar
cujusdam arboris, ramos suos in universum protenden-
tis, à Regina parente sua observatum fuisse, sed hoc
somnia potius quam veritati præluserat; Cæterum
quicumq; prima vitæ lineamenta penitus in BONA-
VENIVRA introspexerat, nihil non magnum ex eo
ominari potuit, & nihil, quod non summa exornaret
fastigia. Jam excelsus Pusio tollebat se supra se, & re-
nerum caput nondum tollere potens, excelsis tamen
cogita-

cogitatio nibûs superis adhæsit intimus. Creverât non aliter, nisi crescente per venas innocentia, quasi virtutem pro anima sortitus esset. At ecce! in illo cælestis pœnæ structuræ apparatu, quæ malorum tempestas erupit? qui turbines, pejûs Aquilone involârunt?

*Florebant bilares, inconcussiq; Penates?
Nil mæstum! quid enim quamvis infida, levissq;
Numine tam dextero posset fortuna timeri?
Invenere viam liventia fata, piumq;
Intravit vis sæva larem. Sic plena maligno
Afflantur vineta Notus: sic alta senescit
Imbre seges nimio; rapida sic obvia puppi
Invidet, & velis adnubilat aura secundis.* Statius lib: Syl

Concutitur tota à fundamentis vitæ structura, jamq; procumbente BONAVENTURA, prope corruisset, nisi tempestiva Divorum succurrissent præsidia! Invaluerat extremæ horæ Nuntius morbus, adeò futuro orbis lumini malignus, ut solam nonnisi Infantis umbram relinqueret, & necdum usu lingvæ potitum, inter silentes recensebat. Quid ad hæc sollicitæ parentum curæ, & impensæ? cum humana præsidia nulla proficerent, superna invocarunt! Concepere ardentia vota, ut refrigeraretur Infans, ut surgeret, ad aras cecidere. Et tandem dederunt superi meliora lapsis! dum pro servitio Dei destinatur Pusio, liber à morbo evadit; jamq; brevi extinguendus, Seraphicis Francisci ignibûs incalescit ad vitam: Et sic, cum alii vel beneficio naturæ, vel medentium arti salutem debeant, ille divinius olim Prometheo totam à superis traxit animam, plusq; de Cælo, quàm terra participavit.

Redditus itaq; sibi, & sanitati, sana etiam animo concepit consilia, nihilq; non aggressus, quo perfectam in se Capitolii promoveret fabricam. Alios a cunabulis otium, & lenocinia sæculi hujus emolliunt,

liunt, ut ne auram quidem commodiorem habeant,
nisi inter desidiam; ille verò nihil magis dedignatus,
quàm inertes animos, dura per & aspera connixus,
ut virtutem in arduo sitam è vestigio sequeretur. Vi-
disses illum nobiliùs illò Romanæ juventutis vindice,
Scipione, non ad curiæ tantùm verùm ad Cæli limen
adolevisse, quò statim perdisceret, ad quæ ingentia
formaretur. Mox à crepundiis, ad literarios ludos,
à Bulla, ad Prætextam Minervæ, è Penatibus, in are-
nam literariam passum promovit, cùmq; vix benè pe-
dibûs consisteret, palmam cessit nulli, & quod annis
deerat, magnanima præoccupavit indole; eoq; in pri-
mo vitæ suæ limine devenit, quò vix provecta ætate
senes enituntur. Adeò festinus est magnorum pro-
gressus, ut uno passu, summa quævis comprehen-
dant! Nescit quippe tarda molimina, qui non exi-
gui momenti rem aggreditur, qui magnificam structu-
rus est domum, omnia ad manum habeat, necesse est.
Taliter & DOCTOR Eminentissimus, cùm grande sci-
entiarum Capitolium moliretur, nullum non movit la-
pidem, quò perfectè omnia fierent. Iam vel ipsa
Grammatica constructio, novæ Architectonicæ mo-
dum subministrabat. Parnassi item culmina altius
promovebant molem. Ex campis Oratoriis lapides
pretiosi, ex academo, integra laurorum sylva devecta
est. Ut vero moles tota perfectior, tutiorq; staret,
illam Religiosis munivit claustris; ex Paupertate Fran-
cisci murum fecit non quidpiam concussum; ex Cru-
ce, fulcrum, ex stigmatibus, pulcherrimum prospe-
ctum. Funiculò præcinctus rectam suæ Architecto-
nicæ fecit dimensionem, ne vel minimum quidem a
puncto Honoris Divini exerraret. In aureis suis oc-
cupationibus, feliciùs Phrygiò olim Mydâ, quidquid
attigerat, perfecit. Quæcunq; Religiosa ministeria,
peragebat, propiores semper ad superos gradus struxit.

Silentii tenax, tanquam alter Salomon Domum Dei
sinè securis, & mallei strepitu exstrueret. Si Divina
præcinebat? Delphicum Oraculum post cortinam
Religiosam audiri potuit. Compositione morum a-
deo insignis, ut orbem totum se ipso ædificare valuis-
set.

Tanta illius sanctitatis prima exordia penitus con-
templatus Seraphicus Pater FRANCISCVS, & velu-
ti solem ex radiis, leonem ex ungue cognovit, ma-
gnumq; fore virum, qui orbem insigni suâ doctrinâ
illustraret, prædixerat, quasi ex prima colligeret plan-
ta, quantæ molis opus fabricaretur! Magnum vero il-
lud Theologicæ facultatis sidus Alexander Alensis
Adam in BONAVENTURA peccasse nihil rectè con-
clufit, ut potè qui talis semper vixit, qualem in statu
perfectæ beatitudinis vivere oporteret. Scientias qui-
dem omnes consumpsit, sed non de vetito ligno Cru-
cis, cui Crucifixus pro Bibliotheca fuit.

Tantò ergo præsidio cultiorem auspicatus Mi-
nervam, mirum quàm brevè profecit! sub Alensi alite
pernicior, ea promptitudine ad studia, eaq; rerum pe-
netratione, qualis Seraphicum deceret ingenium. Cre-
deres non tam illum studuisse, quam omnem mox ex-
hausisse scientiam, docere, non doceri, expolire cæ-
teros, non expoliri vilus, adeo, ut quicunq; navantem
studiis operam conspexerat, vivam scientiarum Univer-
sitatem esse affirmaret. Parum est Pyrrhum una Regii
annuli in gemma novem Musas, cum suo in Parnasso
Apolline insculptas jactasse; pretiosus verò scientia-
rum unio BONAVENTURA, omne id in compen-
dio tenuit, quidquid, in arte liberali rarum, & conspi-
cum æstimatur. Addidit stimulos, quod parem, &
æmulum nactus fuerit condiscipulum, Seraphicus, Angeli-
cum, Aquinatem, igneus, Thomam, id est abyssum,
prosperrima quævis vel ipso nomine connotans BO-
NAVEN.

NAVENTVRA. Hi ambo, tanquam Ganges Pacto-
lo uniti, pretiosam Orbi tempestatem fecere: visq;
unita fortior erat, ut omne arduum superarent. Et
Thomas parem, nec **BONAVENTVRA** inferiorem
se reperit. Effulsere brevī in uno scientiarum polo,
gemini soles: Hic, quascunq; illustraverat sententias,
meridiem fecit; ille, totō capite Phæbo altior, infra
Doctorale pectus illum suspendit.

Rarum, & pænē novum sub sole erat, adhuc in pri-
mo ætatis flore, & jam Doctorem esse laureatum, in Di-
scipulo Professore, & publica in Cathedra Parisiis scē-
tentiæ Magistrum. Taliter rara in universo avis æsti-
matur dicta Hemorobies, quæ eadem die, qua in lucē
prodit, omnium avium diversam vocum harmoniā pro-
bè imitatur, tanquam plus ingenio quàm ætate viveret.
Taliter teneræ adhuc apes dulcius mellificant, quàm si
longa ætatum serie contabescerent. Annorum septem
Religiosus erat, & jam septem Græciæ sapientū doctri-
nam non dicam æquavit, sed potius superavit: nec ali-
ter, ac universi oculus sol, talis statim in primo sui mane,
qualis & in pleno radiorum meridie apparuit. Semel,
illustre illud orbis prodigium Thebas, solo fidium im-
pulsu ab Amphione fundatas accepimus; tanquam vel
surda marmora suavi lyre concentu erudirentur. Quid
verò accidit, dum celeberrimus Parisiis sententiæ
Magister vocali in universum fama personuit? Concur-
rebat undequaq; grandis discipulorum caterva, ut verba
sapientiæ audirent, quæ ultra homines crescerent. Sa-
xis etiam asperiora ingenia tractari visa, & emolliri.
Spectasses in septenni Religioso **BONAVENTVRA**,
septem veluti columnis innixam domum a divina sapi-
entia in qua perpetuo degeret exædificatam fuisse.

Quantum jam operis perfecerat tunc Parisiis? æsti-
mate! si Româ arbitrâ, in urbem Domina, prima fronte,
effulgere dignus repertus est: huc namq; evocat9, mox

in Generalem Ministrum totius sacerrimi Ordinis eve-
ctus, supremum veluti agebat Architectum, ut intra,
claustra, a linea recti deviasset nemo. Affixus loco, ve-
luti olim Statorius Jupiter, suis in universum jura dabat.
Orthodoxæ Religioni murum, fidei hostibus fatales sco-
pulos; verbo simul potens, & opere; multos audivit,
erexit, stabilivit. Nullusq; erat, cui tam beneficum sy-
dus non alluceret. Et cavit vicaria in terris Christi Po-
testas GREGORIVS, ne scilicet tantum Ecclesiæ lu-
men, umbris tantum præcluderetur Religiosis; eum ut
cum BONAVENTURA fausta omnia in Concilio
Lugduni succederent, ad latus esse voluit Theologū.
Hic ille, pænè totum Concilium, oraculorum lingua,
pectoris Beatissimi, arcanum; impletumq; Vatis effatū.

(a) Hoc Tibi Roma caput cum loquereris erat.
Ille errores discutere, detegere fraudes, dirigere, per-
suadere, efficacissimus: illum omnes sibi proponere,
audire, sequi, imitariq; concurrebant, nullusq; fuit qui
sub tanto Capite diversa saperet. Evanuit subitò Græcū
schisma, nec ultra contra torrentem niti voluit, cum de-
fonte hoc sapientiæ gustasset. Orientales noctes a tan-
to lumine subitò disparuerunt. Coronatum Bizantii
caput Michæel cum tota Græcia ad pedes Beatissimi
Parris supplex procubuit. Et profuit stravisse! ipse e-
tenim BONAVENTURA mox insolito prorsus mo-
re evehitur in Eminentissimum: prius namq; S. R. E.
Cardinalis promulgatus, antequam. Albanensis Præ-
sul; tanquam ipsa Cardinalitia purpura pulchram cer-
ramen cum vittis iniret, & unus titulus alteri præcur-
teret, rubrumq; involveret album. Sed ô quàm sæpè
momentò perit, cui secula, allaborarunt! quodq; ad pu-
blica augeri semper debuit commoda, diffluit, & pro-
labitur! Iam pænè se Cælo inferebat Capitolii nostri
moles purpurea, cum subito casu quæ valuere ruunt,
concuittur febrî labefactatur, & tandem cum univer-

si jactura occumbit Lugduni BONAVENTURA, in
 fine Concilii ad extrema delatus, cumq; illo orbis inte-
 ger exspirare visus! Pallere mortes! trepidate fata! fugite
 pericula! Ergone integerrimæ sanctitatis ideâ mors ulti-
 mâ confecit lineâ? Itane supremi Capitis in Concilio os
 siluit? mens & ratio defecit? Evenere! excanduit Pater
 Purpureus! Albanensis Præsul ad funera nigerrimus! I-
 gnis Ordinis Seraphici extinctus! & ipse Generalis sub-
 jectus mortis dominio! BONAVENTURAM, omniū
 pessima mors stravit! sudat heū ad necis venena unio-
 nis cum Græcia gemma, & in partes scinditur! ipsaq; Do-
 ctoralis laurea, ad mortuale gelu marcescit! Qui corru-
 pta Ecclesiæ membra sanitati restituit, ipse male torque-
 tur! Qui orientem novo pietatis ardore accenderat, oc-
 cidit heū! & exstinguitur! animamq; agit, qui pro publi-
 cis Christianæ Reipublicæ cōmodis plurima agere cō-
 suevit. Cecidit basis fidei! Ecclesiæ columna, veritatis
 clypeus, integritatis flos, eruditionis trophæū, Doctorū
 corona, Religionum murus, anima Ordinū Spiritualium; o-
 mnium omnia, sibi nullus! Terræ mandatus integer Dei,
 & Cælō plenus. Conclusus marmore secula ædificat.

Cecidit, nihil tamen de congenita sibi Majestate demisit! in-
 gentibus enim viris nihil fata derogant, dum tollunt, sed veluti
 Rhodius ille Colossus æmula magnitudini suæ prolabantur ruinâ.
 Stetit ex ipso casu insignis Capitolii nostri structura, vel inde nobi-
 lior, quod corruptibile suum posuerit. Obiit Seraphicus, sed cum
 universi ædificatione, cui orbis integer parentavit, EMINENTIS-
 SIMO CARDINALI, GREGORIUS cum Regibus & Princi-
 pibus, Episcopo Albanensi, quingenti ultra Antistites cæteri-
 que innumeri Abbates, & Prælati; Magistro Discipuli, Doctores sapientes:
 addam cives superi, & Angeli, Seraphico. Diceret ad tam nobile fu-
 nus universam Christianitatem confluere necesse fuisse, ut tantō vi-
 ro se, & fortunam suam metiretur. I, runc Dea gentium Roma, &
 veteris Capitolii palmas jactare desine! nullus antea nobilior tuam
 in Urbem triumphus intraverat, quantō nunc procumbente BO-
 NAVENTURA Lugdunum exornatum est.

*Roma caput mundi, tumidum quid in æthera tollis
 Colla super septena jugum, superisq; propinquos
 Immisces titulos, quid grandia Nomina jactas
 Pompeios, Stantesq; in curribus Æmilianos,
 Victrices animas, bellatoresq; Quirites*

Ad

*Ad Capitolina procedere limina pompæ?
 Decrescunt procul ecce Tui monumenta triumphî;
 Et sibi Majestas minor est, urbs deserit urbem?
 Cernis ut insolito pandit se pompa theatro
 Cum BONAVENTURÆ assistit pæne integer orbis,
 Istaq; persolvit, populusq; exultat in unam
 Conspirasse animam; vario sub sole jacentes
 Se turba donant, & funera magna precantur,
 Vt vel in extincto stet magnificentia busto
 Posthuma, regnantis superans Capitolia famæ?*

Cadaver, veluti grande aliquod depositum, tantum terræ con-
 creditum, sed mox aris illatum festivis populorum cultibus adoratum
 est: viderat liquidem maximus GREGORIUS grande in universum
 virtutis crevisse Capitolium, & mox ad populum fecit celeberrimum.
 Nec minus quidpiam à magno suo Antecessore egit Sixtus Quintus,
 qui ut, immortalem sapientiæ domum aperiret, Collegium BONA-
 VENTURÆ magnifico sumptu erigi curavit; ibiq; ut triumphale
 Scientiarum Capitolium perennaret, Caput Divinissimi Doctoris pro
 fundamento deposuit: scilicet ut grandis discantium Caterva dome-
 stica habeat documenta quanto infundatur Doctori, quantoq; inni-
 tatur Capiti.

Et jam triumphat omni majestate sublimius virtutis, & Sapientiæ
 Capitolium; triumphat etiam in humili Oratoris eloquentia, ut pri-
 us se tanta magnificentia obrutum esse fateatur, antequam vel unicū
 honoris punctum eolverit.

Ad vos tandem ultimatò, prima Seraphici Cæli Capita & quædam
 Motrices Intelligentiæ Minoritæ maximi tanto prior devolvitur
 Oratio, quantò conjunctis invicē animis, & studiis vobis addictior. To-
 tò simul orbe utimini, nullaq; sub sole natio est, quæ vestrū non exam-
 biat Nomen, ergo & nostrū corda qui amor omnium estis possidete.
 Vobiscum animam spiramus in unam, qui sanctissimis exemplis Or-
 bem animastis, qui populos à ruditate vindicatis, vobiscum sapimus.
 Cogitis nos certare humanitate, qui barbara, & alioquin effera inge-
 nia ad humanas divinalq; leges adaptatis: latent sub cinereo vestro Ha-
 bitu Ignatiani amoris scintillæ, & tanquam custos olim Imperii flam-
 ma, tamdiu perennabunt, quamdiu pleno sub sole Nomen vestrum
 splendet clarissimū. Vivite nobis, Religioni, Cælo, candidè, æternū.
 Vivite & tam morietis inter sæculi deliquia, quàm adversitatem tur-
 bines inter triumphate gloriosissimè. Minoritis pronissima obsequia
 Seraphicis, inextinguibilem charitatis flammam, Mendicantibus,
 profundissimos affectus, toti sacerrimo Ordini intima vota & studia
 subscribimus & consecramus. Dum verò Eminentissimum Doctoris
 Seraphici Caput, ad Capitolium immortalis gloriæ oratorio cultu
 deduximus, & laudum vestrarum & nostræ erga Seraphicum Ordinem
 propensionis Unum pro cunctis fiat Caput istud erit.

DIXI.



Biblioteka Jagiellońska



stdr0024437

